

BONERIANO®

EDITOR:
Bonaire Communication Services N.V.

Djáragon 28 sèptèmber 2022|Preis:\$1.00

RAPÒRT DEVASTADOR

Interkambio di mucha pa grandi



Den e luna di sèptèmber akí, ku ta luna di konsientisashon di e malesa di alzheimer, Kas di Kuido a hasi un rekorido den tuk-tuk pa hasi Kolegio Kristu Bon Wardadó un bishita.



CHANGAN AUTO



ALSVIN

f /dabboussimotors

xerox™

OBERSI
ELECTRONICS
BONAIRE

NEW TILES!! VISIT
OUR SHOWROOM

#1
GARTISH
TEGELWERK BONAIRE N.V. *on the island!*

Kaya Bongo 8b | Tel/Fax: 717-8707
gartistegelwerk | Like our page to stay updated!

Ready for
your next
job?

For new great job opportunities,
send us a WhatsApp message!

(+599) 785 3011

Or apply online: career.tempobonaire.com

MANTENE BO
VEHIKULO OF
EKIPO DEN
KONDISHON
**KU PIESANAN
KUMPRÁ NA NAPA**



Tim Muller direktor nobo RCN

KRALENDIJK -- Drs. Tim Muller ta bira e direktor nobo i alabes 'kwartiermaker' di Rijksdienst Caribisch Nederland (RCN). Ministerio di Asuntunan Interno i Relashonnan di

Reino, BZK, a anunsiá esei djamars. E nombramentu ta drenta na vigor entrante promé di desèmber 2022.

RCN ta un kolaborashon entre e diferente ministerionan pa asuntunan rela-

shoná ku Entidatnan Públiko Boneiru, St. Eustatius i Saba.

Muller: "Mi ta ansioso pa sigui traha riba futuro di nos islanan huntu despues di e añanan na Saba. E biá akí huntu ku koleganan di RCN, partidonan embolbí den kondishon laboral kolektivo i maneho di personal, e entidatnan públiko i ministerionan. Mi tabatin e honor di hasi esaki promé komo sekretario insular di Saba i aweró a base di e funshon nobo i mas ekstenso akí. Ademas ku plaser mi kier kuminsá ku e tarea adishonal. Esun di 'kwartiermaker', ku ophe-tivo pa fortifiká e servisio públiko na habitante di Bo-

neiru, St. Eustatius i Saba. Huntu nos ta bai hasi esei, skouder ku skouder, ku tur esnan embolbí."

"Ku Muller nos ta trese un direktor ku eksperensia den kas, kende a demostrá su abilidad tantu den i pafó di Den Haag i den e área karibense. Komo sekretario insular, el a demostrá di ta kapas pa konektá metanan karibense i hulandes oropeo ku otro na benefisio di e islanan, partikularmente Saba i Hulanda Oropo.

Mi konos'é komo un persona ku ta konektá otro-nan i ta spera ansioso riba e koperashon nobo kuné," Roald Lapperre, direktor general di relashon di Reino di ministerio di BZK, ta bisa.

Muller ta tuma e batuta for di Jan Helmond, kende desde 2014 ta direktor di RCN. El ta keda okupá e funshon di Representante di Reino interino, e ta hasi esei desde 2018, banda di e funshon di direktor di RCN.




Rijksdienst Caribisch Nederland

SSO-CN ta buska:
**ANALISTA PA MONITÒR
SOC I SOLARWINDS**

Bo tin afinidat ku infrastruktura di ret? Bo ke ta (ko)responsabel pa maneho i seguridat di nos ret nobo? Si t'asina, sigui lesa lihé!

Mas informashon?
Bishitá www.rijksdienstcn.com/vakatura

Fecha di klousura: 12 di òktober 2022

Kombenio kultural firmá

KRALENDIJK – Sekretario di Estado di kultura i klima, Gunay Uslu i e entidatnan públiko di Boneiru, St. Eustatius i Saba, a sera un kombenio kultural. Den esaki huntu nan ta bai di akuerdo pa tuma responsabilidad pa infrastruktura kultural na Karibe Hulandes. E partidonan ke trese un kambio na e maneho mas duradero di kultural i e base pa pone kosnan mihó na òrdu.

Esaki ta bai sosodé dor di koperashon riba tereno di edukashon kultural, partisipashon, invershon den biblioteka i pa medio di aksesibilidad pa mehorá fondonan kultural. Atenshon spesial ta pa e parti di patrimonio kultural i pasado di sklabitut.

E siguiente paso ta ku Europa Hulandes i Karibe Hulandes bai sigui elaborá



Sekretario di Estado Gunay Uslu.

mas aleu riba e afspraken hasi den e kombenio den e asina yamá agenda kultural. E partidonan ta hasi tambe afspraken konkreto tokante e aksesibilidad di e metanan i pa esaki ta enbolbí komunitatnan kultural i trahadónan di kultura. E kombenio kultural akí ta un inisio pa koperashon mas aleu.

Programanan di Bonaire.tv

TELBO kanal 70
Flamingo TV kanal 23



Djârasen 28 sèptèmber 2022

12.00 Herensia:	Armida Evertsz-Felix
13.00 Aki Korsou:	Richard Juan (Chati) Constancia
14.00 Herensia:	Grupo Flor Di Orkidia (Toka)
15.00 BAPA:	Marlon Bermudez
16.00 Herensia:	Marcel Caluto Janga i Edna Margriet Janga-Sint Jago
17.00 Aki Boneiru:	Luc Alofs
18.00 Herensia:	Claire Marie Jeannette Nolen-Heitkönig
19.00 BAPA:	Milton Koeks
20.00 Aktualidat:	Reginald Jonchi Dortalina
21.00 Aki Boneiru	Spesial: Walter van Neiten
22.00 Herensia Korsou:	Edna Dos Ramos
23.00 BAPA:	Marcel De Jong

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Tur loke ta payroll i HR
den bo plant'i man!
www.payrollprohm.com









Danki pa tur esnan ku a felisità djadumingu en konekshon ku mi kumpleaño. Tabata un dia sin fiesta, sin nada. Pero un kumpleaño bunita, pasá un tiki den naturalesa i trankilidat. Mèrdia kome un bon yambo serka Ramon ku Lina, un dje tiki hendenan na Boneiru ku mi ta bishitá na kas, sinta repasá tempunan ku a bai i ku lo no bini bèk nunca mas.

Un dje desishonnan ku m'a tuma, komo resultado di mi kumpleaño, ta pa entrante djaluna no pone nada mas riba facebook. Di mes mi facebook t'ei i e lo keda, pero e lo bira un facebook ku lo no ta aktivo mas i asta opsoleto kisas.

E dianan ku a pasa, yegando na mi 67 aña di bida, mi a sinta pensa riba hopi kos, tambe di mi bida personal. Mi ke tuma distansia pokopoko for di bida públiko. Lo mi sigui ta aktivo den silencio. Probablemente esaki lo nifiká ku hende lo mira mi ménos. Na televishon di mes esaki ta imposibel, komo ku mi tin milés di programa grabá ku lo sigui pasa. I lo mi sigui graba programa sí.

Mi tabata un dje promé hendenan di Boneiru riba facebook. E tempu ei facebook tabata algu bunita, un medio pa kompartí kos bunita ku mas hende. Pero esei a kambia. Facebook a para bira muchu un kampo di lucha, ku ekspreshonnan di ofensa kontra otro, humiliashon di otro, un kampo di hostilidat. Un plataforma pa gaba kon bon bo ta, kon sabí bo ta etc. Pa mi ta suficiente. Mi ta stòp.

Den kuminsamentu aki lo mi sigui lesa sí facebook, pero sin pone nada, sin komentá nada mas. Nunca bo mester bisa nunca, pero mi nunca den e kaso aki ta un NUNKA!

Danki pa esnan ku a sigui mi riba facebook tur tempu, a lesa mi artíkulo i komentarionan. Mi ta apresia! Pero e kapitulo ei a sera den mi buki di bida.

Segun investigashon di Greenpeace:

RAPÒRT DEVASTADOR

KRALENDIJK/ AMSTERDAM- Kambio di klima lo dal Boneiru duru si no intervení. Esaki segun investigashon ku Vrije Universiteit Amsterdam (VU) a hasi pa Greenpeace Hulanda. Na fin di e siglo akí, un kinto di e isla ta ser menasá na resultá bou di awa dor di subida di nivel di laman, refnan di koral lo dispersé i olanan di calor lo oumentá. Dor di esaki bida pa hendenan ku ta biba na Boneiru nunca mas lo no ta meskos.

Gobièrnu Hulandes, ku for di 2010 ta responsabel pa e munisípio spesial akí, apénas tin un maneho pa protehá e isla, ku ta situá relativamente abou, kontra e konsekuensianan di cambio di klima. Greenpeace Hulanda i habitantenan di Boneiru ta eksigí hustisia ambiental pa e isla.

Diferente senario

E investigashon di Vrije Universiteit ta mustra ku habitantenan di Boneiru ta kore riesgo grandi pa motibu di subida di nivel di laman, calor ku ta oumentá, i morto di koral. E investigashon ta wak e impak-

to di diferente senario di klima riba e isla. Si limitá kalentamentu mundial te na 1.5 grado, conforme palabrashonnan di e Akuerdo di Klima di Paris, e konsekuensianan lo ta konsiderablemente ménos ku si e kalentamentu mundial subite na 2.7 grado òf asta 4.4 grado. Hulanda i restu di Europa no ta hasi sufisiente pa redusí e emishon di CO2, i dor di esei e chèns pa e senarionan di ménos favorabel pa Boneiru ta oumentá.

Helen Angela (50, trahadó na laboratorio): “E informashon di e científikonan ta hopi impaktante. Ta bon ku esaki a bira konosí aworakí, pasobra na Boneiru masha poko ta konosí tokante cambio di klima i su konsekuensianan. Nos no mester keda sinta ketu, pero huntu nos mester tuma akshon awor. Mi ta spera ku hopi hende lo sostené nos, ta huntu nos tin ku hasié.”

Judmar Emerenciana (25, diseñadó gráfiko) a pinta un mural tokante e tópiko: “Nos tin e menasa di pèrdè nos kultura. Pero

ainda no ta muchu lat, e atvertensia akí ta bini nèt na tempu pa nos por tuma akshon. Mi no ke pa den futuro e kasnan di katibu bai bou di awa, antó e ora ei nos ta bisa, ‘nos por a evitá esaki’.”

Kaso den korte kontra gobièrnu negligente

Boneiru, Saba i Sint Eustatius ta munisipionan spesial di Hulanda for di 2010, pero apénas e gobièrnu hulandes tin plannan pa protehá e islanan kontra inundashonnan ku lo sosodé pa motibu di subida di nivel di laman. Esaki ta un kontraste grandi ku e protekshon amplio di kosta ku ta tuma lugá den e parti europeo di Hulanda. Paisnan riku, inkluso Hulanda i otro paisnan europeo, ta responsabel pa e mayor parti di emishonnan mundial di CO2 i sinembargo nan no ta hasi un kontribushon hustu na e esfuersonan mundial pa redusí emishon. Boneiru ta ser menasá na bira víctima di esaki, pasobra mas calor bira, mas grandi e konsekuensianan di e krisis ambiental lo ta pa hendenan

ku ta biba na Boneiru. Ta pa e motibu aki Greenpeace huntu ku habitantenan di Boneiru ta preparando un kaso den korte.

E maneho di gobièrnu hulandes pa Hulanda karibense no ta inhustu solamente riba tema di klima. Hopi hende apénas por kubri òf no por kubri nan gastunan mes, pasobra e suèldu mínimo no ta basá riba e kosto di bida – kontrali na Hulanda europeo.

“Gobièrnu tin e deber di protehá nos kontra inundashonnan, violensia na kostanan, i otro efektonan ku ta peligrá bida di hende komo konsekuensia di e krisis ambiental. No mester importá si bo ta biba na Boneiru, Ameland òf na Valkenburg. Tòg e gabinete nan bou di liderazgo di promé minister Rutte no a hasi práktikamente nada pa Boneiru den esaki. Pa e motibu aki nos ta drenta akshon i huntu ku habitantenan di Boneiru nos ta bai korte pa eksigí akshon ambiental pa Boneiru,” asina Faiza Oulahsen, hefe di Klima & Energia na Greenpeace Hulanda, ta bisa.

Humphrey Junior Wout ta djòin MPB

KRALENDIJK -- Humphrey Jr. Wout mihó konosí komo Junny Wout ta djòin MPB i ta kanando e trayekto di preparashon pa subi lista i partisipá na eleksion di Konseho Insular 15 di mart 2023. Junny ta un persona nasé na Rincon ku despues di su estudio eskolar a traha den sektor administrativo i despues servisio di duana. E ta motivá su desishon manera ta sigui: “Mi ta un persona ku semper ta trata di ‘transformá tragedia den triunfo’. Mi ta kere firme ku e kaminda di bida di tur dia den tur su fasetanan por trese felisidat



pa nos. No solamente e destinashon.”

“Mi a djòin polítika dor ku mi no ke para na banda kritiká pero mi ke yuda positivamente den desa-

royo di mi isla Bonaire. Mi a nase i a lanta den un famia sindikal i polítiko.

Mi papa Humphrey Servandus Wout tabata respektivamente diputado, miembro di Konseho Insular i miembro di Staten di Antia den dékada ochenta. Promé ku esei e tabata embolbí den sindikalismo. E tabata presidente di AFBW.”

“Mi ta kere ku a bira tempu pa hóbennan ku idea i energia nobo duna nan aporte en grande pa yuda konstruí nos mes futuro i futuro di nos yunan. Ku mil amor mi ke pone mi skou-

der bou di e desaroyo ku a inisiá pa engrandesé Bonaire. Mi a skohe pa partido MPB paso mi ta mira e forma moderno, transparente i organisá di hiba polítika ku por sigui duna bienestar na pueblo di Bonaire.”

“Huntu ku MPB mi ta mira posibilidat grandi pa logra mi deseonan pa Bonaire ku ta un desaroyo ku ta kuadra ku nos prinsipionan i nos kultura, un desaroyo optimal di nos potensialnan i un desaroyo moderno ku ta kumpli ku nesesidatnan di tur ku ta biba na Bonaire pa asina por reina felisidat serka tur famia.”

Konsehal Esther Bernabela:

SELIBON meresé mas

KRALENDIJK – Djaluna miembronan di Konseho Insular a haña un tour ku e meta pa konosí i pone nan mes na altura di tur e trabounan ku SELIBON ta realisá i tur e plannan i retonan.

Konsehal Esther Bernabela,

lider di Frakshon di UPB tambe tabata presente i a duna e siguiente komentario: “Mi mester kuminsá na gradisí entre otro Griffier i SELIBON su gerensia, Rudsel Leito i staf, ku a hasi esaki posibel. Un gran idea ku konsehal Edwin

Domacassé a hasi petishon pa esaki bira realidat.”

E diferente departamentonan di SELIBON, tur trahadó, respèt pa boso, boso ta hasiendo trabou ku no ta tur hende por hasi. SELIBON no meresé solamente e 400 mil dòler ku ta pidi awor aki, sino muchu mas. Sigui ku e bon trabou i gobièrnu mester apoyá den e sentido mas amplio di palabra posibel, Bernabela ta skirbi.

Bernabela ta indiká ku SELIBON ta realisando trabou sumamente balioso i importante pa bienestar



di Boneiru riba tur tereno, ekonomia, turismo, salubridat i higiena. Un elogio pa

trahadónan di SELIBON. Boso ta indispensabel pa un Boneiru limpi sano i bunita.



STINAPA ta en buska entrante inmediato un Konsehero HR
HR ADVISOR



Stichting Nationale Parken Bonaire (STINAPA) ta un fundashon na Boneiru ku ta responsabel pa maneho di e Parke Nashonal Marino i e Parke Nashonal Washington Slagbaai. Aktualmente e fundashon tin sinkuenta empleado den servisio.

KIKO BO TA BAI HASI?

Komo Konsehero HR (HR Advisor) bo ta desaroyá e maneho di personal, i bo ta responsabel pa ehekushon di esaki. Bo ta konsehá tokante lei i regulashon. Bo ta e persona di kontakto pa e empleadonan riba tereno di asuntu di personal, i bo ta enkargá ku e atministrashon (digital) di personal i di e plataforma di empleado. Ademas bo ta duna man kaminda ta nesario pa kontribui na maneho di e parkenan nashonal di Boneiru.

KIKO NOS TA PIDI?

- Formashon HBO finalisá (Human Resources, Atministrashon di Empresa òf komparabel);
- Konosementu di i abilidad den konsipiá plan di maneho, proseso i prosedura;

- Abilidad di Maneho i Konsehá;
- Abilidad komunikativo i organisatorio ekselente;
- Bon abilidad pa motivá i coach;
- Bon dominio oral i skirbí di e idiomaan hulandes, ingles i papiamentu.

KIKO NOS TA OFRESÉ?

Un trabou variá na un organisashon ameno. Un kontrakt laboral di 40 ora, un bon salario, bon kondishon laboral sekundario manera un di 13 luna, seguro di pinshon den kaso di un kontrakt fiho, i 22 dia di fakansi.

Bo por solisitá direktamente via vacature@stinapa.org. Manda bo karta di motivashon i bo CV pa mas tardá 1 di òktober 2022 i podisé aweró bo ta nos kolega! Mas informashon tokante STINAPA bo ta haña riba nos wèpsait www.stinapa.org i riba nos página di Facebook.



Stichting Nationale Parken Bonaire (STINAPA) ta un fundashon na Boneiru ku ta manehá Parke Nashonal Marino Boneiru (inkluso Klein Bonaire) i e Parke Nashonal Washington Slagbaai. Nos ta manehá i protehá e parkenan aki pa naturalesa, komunidad i ekonomia lokal di e isla. Nos ta promové uso responsabel i duradero, di manera ku ta mantené nos naturalesa úniko pa nos poblashon i pa futuro generashonnan. Un naturalesa úniko bon protehá ta e motor di nos ekonomia.

KIKO TA BO NESESIDAT?

“I si nos sa ku E ta tende nos den tur loko nos pidi, nos sa ku nos tin e petishonnan ku nos a pidi di djE.” 1 Juan 5:15(BS)

Awe mi tin e pregunta akí pa bo: “Kiko ta bo nesesisdat?”

Bo mes ta konsiente di e nesesisdatnan ku bo tin? Kisas bo tin mester di un trabou, un kasá, un mihó salario, sanashon pa un malesa, salbashon di bo alma o direkshon pa tuma un desishon. Bo sa kiko? Dios si sa di kada un di nos nesesisdatnan kaba. P’esei nos mester pidiÉ den orashon. Ta importante pa krea e kustumber di papia ku Dios di bo nesesisdatnan. Bo por ta sigur ku E lo mustra bo un salida i duna bo kontesta pa kada un di nan.

Den Beibel nos por lesa di diferente persona ku a pidi, sklama na Dios pa un òf otro nesesisdat ku nan tabatin, ku fe, konfiansa i siguridat den Dios, ku E ta bai kontestá nan.

E profeta Elias mes ta un. Den Santiago 5:17-18 Beibel ta bisa nos: “Elias tabata un hòmbler ku un naturalesa meskos ku di nos, i el a hasi orashon fervientemente pa awa no yobe; i awa no a yobe riba tera pa tres aña i seis luna. I el a bolbe hasi orashon, i shelu a duna awaseru, i tera a produsí su fruta.”

STÒP di sinta pensa kon mi ta bai solushoná mi nesesisdatnan, aserká Señor Su trono di gracia, i papia kunÉ. I kere den bo kurason ku E lo kontestá kada un di nan, segun Su Santu boluntat. I Su boluntat semper ta esun mihó. Su Palabra ta SÍ i AMÈN!! Diannenara Mercera

Produkshon PGM

Greenpeace ta bati bèl:

Awor òf nunka pa Boneiru

KRALENDIJK- For di e investigashon ku Vrije Universiteit Amsterdam (VU) a hasi pa Greenpeace a sali na kla ku ta awor mester tuma medidanan pa kombati konsekuensia di kambio di klima. Pieter van Beukering, profesor di ekonomia ambiental i direktor di e Instituto pa Asuntunan Ambiental na Vrije Universiteit Amsterdam ta bisa: “E islanan hulandes kari-bense, inkluso Boneiru, te ku awor tabata e yu ku no ta haña atenshon di e investigashon hulandes tokante klima. E rapòrt akí ta un promé paso importante pa trese kambio den esei. Nos

rapòrt no ta duna klaridat ainda tokante kon ta e mihó manera pa nos por protehá Boneiru kontra kambio di klima, pero ku mester tuma akshon rápidamente, esei si ta masha kla.”

Resultadonan alarmante

For di e investigashon ta sali dolorosamente na kla ku un kalentamentu máksimo di 1.5 grado lo ta crítico pa Boneiru. Si e meta di e Akuerdo di Klima di Paris no ser alkansá, lo tin mester di medidanan muchu mas radikal pa protehá e habitantenan di Boneiru.

Parti di e medidanan aki

ta pa hiba gobiernu Hulandes dilanti korte.

Nan ta bisa ku e promé paso hurídiko, un “sommatiebrief” dirigí na gobiernu hulandes, lo ser elaborá den e próximo lunanan.

Inundashon di infra-estrutura i herensia kultural

Si e emishonnan mundial no keda redusí supstancialmente, tin e menasa ku pa fin di e siglo akí un kinto parti di Boneiru lo bai pèrdi bou di laman. Si e emishonnan no baha rápidamente sufisiente, Kralendijk tambe lo por inundá. Tambe e punta sur di Boneiru ku ta hopi abou lo keda afektá, inkluso entre otro un parti

di Lac Cai, e pueblo bieu di piskadó riba e isla. Ademas ora tin tormenta, e riesgo di inundashon ta oumentá mas. Den kada un di senarionan di klima ku a ser investigá, kayanan i otro infrastrukura fundamental tambe lo haña daño. Kambio di klima tin tambe un impakto grandi riba kultura di Boneiru. Asina tin menasa den diferente senario, ku e herensia kultural na e parti sur di Boneiru por dispersé dentro di trinta aña. Un ehèmpel di esaki ta e kasnan di katibu 2), un monumento protehá di e pasado di sklabitut.


Koral ku ta muri

E presioso ref di koral rondó di Boneiru ta forma un kibraola natural i asina ta protehá e isla kontra inundashon. Banda di esei e ref di koral ta profundamente konektá ku e identidat boneriano, e ta un ‘kraamkamer’ di bida marino, i mundialmente konosí entre sambuyadónan. Futuro di esaki ta na peliger pa motibu di kambio di klima. Solamente den e senario di klima di mas optimista, nèt bou di e meta di e Akuerdo di Klima di Paris, lo no tin konsekuensia grandi ainda na 2050. Pero den e senario di klima di mas ekstremo, asina tantu koral ta muri,

ku na 2050 ta solamente 13 di e 86 sitionan pa sambuyá lo a sobra. Turismo di sambuyá (‘duiktoerisme’) lo baha p’e motibu ei, i e impakto riba ekonomia lo ta grandi. Konforme tur ekspektativa, koralnan lo sigui muri despues di 2050 tambe. P’esei e chènens ta grandi ku na fin di siglo tur koral lo a dispersé.

Salubridat ta bai atras

Kambio di klima por tin tambe konsekuensianan grandi pa salubridat públiko na Boneiru. Habitantenan probablemente lo haña nan konfrontá mas frekuentemente ku kehonan físiko dor di calor, asina yamá strès di calor (‘heat-stress’). Esaki ta sòru pa mas malesa i kasonan di morto, entre otro pasobra e síntomanan di e pashèntnan ku malesanan kardiovaskular ta empeorá pa motibu di esaki. Sanguranan ku ta transmití vírùsnan manera zika i dengue ta prosperá ainda mas ora e klima bira mas calor, i p’esei ta premirá un subida di e kantidat di kontagionan ku e vírùsnan akí. Finalmente e investigadónan ta konkluí ku dor di e impakto di inundashonnan i tormentanan, den futuro lo tin posibilidad grandi pa haña trauma sikológiko.



28 di Sèptèmber 2022

**“Mi ke sigui Bo, unda ku Bo bai.”
(cf Lukas 9,57)**

Asina un hòmbèr, super entusiasma a bisa Hesus. Pero Hesus sa mihó. Hesus ta avis’é ku; “... E, esta Hesus, no tin niun kaminda pa E sosesgá su kabes.” (cf Lukas 9,58b) Ku otra palabra, Hesus ta avisá e hòmbèr ku bida kristian, ta unu eksigente; “... bo mester lubidá bo mes, hisa bo krus tur dia i siguiÉ!” (cf Mateo 15,24)

Kuantu biaha nos no a proponé nos mes e idea pa hiba un bida kristian mas komprometí? Nos a pensa, pa aparte di partisipá na Santa Eukaristia a lo menos tur djadumingu, duna lès di katisashi na mucha, ofresé nos mes komo lektor, ensayá ku kor i kanta Misa tur siman, duna man ku limpia misa djasabra, bishitá hende grandi òf enfermo na kas òf kas di kuido i ora e momento di bèrdat a presentá, semper nos tabatin un motibu hustifiká pa tòg no komprometé nos mes?

Señor, hasi mi mas sensibil pa bo bondat i duna mi e determinashon pa korespondé na e imenso amor ku Abo a mustra mi.

1L Job 9,1-12.14-16; Salmo 88,10-15; Ev Lukas 9,57- 62

005999-522-4056 Un Snechil Pan unsnechilpan

Boluntario Kas Flamboyen a haña treinen

KRALENDIJK

Djasabra 24 di sèptèmber boluntarionan di Hospice Kas Flamboyen a repasá algun ehersisio ku fisioterapista Anita Visker. Tópiko tabata kon pa mobilisá klientenan di Kas Flamboyen mas mihó entre otro di kama pa ròlstel i vise vèrsa.

Importante ta pa hasi esaki kuidando bo mes salú. Esei ta nifiká ku kualkier posishon ku lo tin ku mobilisá un kliente, boluntarionan tin ku kuida i fortalese nan mes kurpa na promé lugá.

Boluntarionan a trein kon pa move un kliente riba su kama pa e kliente ta mas konfortabel. Òf den ròlstel òf ku material manera rolator, vierpoot òf krùk. Tambe sí e kliente ke sinta den un stul mas konfortabel kon por hasi esaki di un forma korekto.

Hospice Kas Flamboyen ta gradisí tur boluntario ku

a akudí ku hopi entusiasmo i specialmente Anita Visker kende a duna teip i ehersisio di un forma profeshonal.

Si tin persona ku ke duna nan aporte komo boluntario, por yama libremente kordinadónan Mimi Dongen na 796-3512, òf Sami Rosalina na 777-4762, òf pasa na Hospice Kas Flamboyen na Kaya Guanare 11, Tera Kòrá.



KÒRSOU

Kazèrne di Marina Suffisant ta organisá Dia di Veterano

WILLEMSTAD

Riba Djabièrnè 21 di òktober ta tuma lugá na Kòrsou Dia di Veterano. Un dia spesial ku atenshon i apresio pa militarnan Hulandes, ku den áreanan di guera, òf durante operashonnan pa pas, a desplegá.

Aualmente Dia di Veterano ta tuma lugá na Hulanda na yüni, pero tambe den region Karibe Hulandes ta biba hopi veterano.

Komandante di Forasan Naval den Region Karibe, General di Brigada Frank Boots, ku hopi plaser ke presta atenshon na veteranonan ku ta biba den region Karibe dia 21 di òktober. E evento ta tuma lugá

di 2'or pa 6'or di atardi na Kazèrne di Marina na Suffisant, Kòrsou.

Unifòrm pa veteranonan den servisio aktivo ta unifòrm 16 (a), pa veteranonan den servisio no aktivo, esaki ta solamente unifòrm/trahe di veterano sivil, òf di asosiasion di veterano. Kada veterano por inskribí su mes te ku no mas tarda 11 di òktober via

veteranenverenigingcuracao1@gmail.com

Despues ku e veterano manda un e-mail, e lo risibí un konfirmashon ku tambe na mes momentu ta e invitashon pa dia 21 di òktober.

E invitashon akí ta prueba di entrada pa drenta Kazèrne di Marina Suffisant. Sin invitashon no ta posibel pa partisipá na e dia di veterano.

Sunshine Market B.V.

ta buska

- allround medewerker

Pa mas inf.

tel. 701-6505

FITTIPALDI FOTOGRAFO
BO REKUERDO MI RESPONSABILIDAT
fittipalddietersz@hotmail.com
Facebook: Fittipaldi Pietersz
WhatsApp — C:(599) 7856412

BròKèS 93.5 FM
Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;
Djoni Leoneta +599 786 9091
Maneho administrativo;
Ethel Leoneta +599 796 9133
email; 93.5boneiru@gmail.com



Mensaje de la Virgen Maria Reina de La Paz desde Medjugorje 25 de Septiembre de 2022

"¡Queridos hijos! Oren para que el Espíritu Santo los ilumine a fin de que sean gozosos buscadores de Dios y testigos del amor sin límites. Estoy con ustedes, hijitos, y a todos los llamo nuevamente: anímense y den testimonio de las buenas obras que Dios está haciendo en ustedes y a través de ustedes. Alégrese en Dios. Hagan el bien al prójimo para que estén bien en la tierra, y oren por la paz que está siendo amenazada porque Satanás quiere la guerra y la tribulación. ¡Gracias por haber respondido mi llamado!" 09/25

Promé ‘Caribbean Business Day’ dirigí riba ganashi selebral

KRALENDIJK – Dia 15 di òktober ta tuma lugá na Rotterdam e promé edishon di ‘Caribbean Business Day’. Esaki ta un inisiativa di Stichting WeConnect i Young Tax Talent, den koperashon ku Vereniging Antilliaanse Belastingadviseurs (VAB). Meta

di e evento ta pa trese dunadónan di trabou na Kòrsou, Aruba, St. Maarten i Boneiru, den kontakto ku studiantenan karibense i profeshonalnan yòn na Hulanda. E énfasis pa esaki ta riba kontabilidat i konseho di impuesto. E ta estímulo pa reforsá e merkado la-

boral lokal riba e islanan ku talentonan karibense bon eduká.

Merkado laboral

For di Kòrsou lo ta presente personalmente miembronan di VAB, Grant Thornton, HBN, BDO i Baker Tilly, pa duna pre-

sentashon i workshop.

Di parti VAB su presidente, Arthur van Aalst, ta informá: “Tin un falta grandi di akountent i fiskalista bon eduká den tantu e sektor públiko komo privá. Lo hasi tur posibel pa hasi studiantenan òf yunan di tera ku a terminá nan estudio, kla ku tin hopi oportunidat pa konstruí un karera briante den e parti hurídiko.”

Stichting Belasting Accountants Bureau Curaçao i Entidat Públiko Boneiru, tambe ta presentá nan mes riba e dia di empresarial.


Koperashon

WeConnect ta kontentu pa por traha huntu ku Young Tax Talent, un plataforma di studiantenan karibense i profeshonalnan yòn ku un base den konseho di impuesto i kontabilidat.

Young Tax Talent ta sintá meimei di un grupo di meta i sa presis kiko ta

e reto i nesesidatnan sí ta trata di e konsiderashon pa regresá bèk e islanan, durante òf despues di e estudio,” manager di WeConnect, Tanja Fraai, ta splika.

Presidente di Young Tax Talent, Nicole Lew Jen Tai, tambe ta entusiasma di e dia di empresario: “Nos ta haña importante pa motivá studiantenan i profeshonalnan i na mes momentu agregá balor na kresementu personal i profeshonal. Tambe nos ke trese e nesesidat di profeshonal dentro di e área karibense na atenshon pa motivá nos muchanan di tera pa regresá nan isla bèk.” Ta spera un 60 pa 70 estudiante karibense i profeshonal yòn na Rotterdam. Ta sera e dia ku un brándis i aktuashon bibu di talentonan musikal di Boneiru. Por haña tur informashon inkluso vakatura i registrashon grátis di website: www.dutchcaribbeancareer.com



BONAI i Terramar a firma akuerdo di koperashon

KRALENDIJK -- Djaweps 22 di sèptèmber, Fundashon BONAI a firma un akuerdo di koperashon ku Museo Terramar.

E akuerdo akí ta firmá konforme un akuerdo di koperashon ku SKAL i ta pa fia pa tempu limitá algun artefakto arkeológiko na Museo Terramar, pa hasi uso di nan den un eksposishon na mart 2023 relashoná ku e investigashon arkeológiko di BONAI na 2019. E artefaktonan akí ta bini di ekskavashon na e sitio di Amboina, kaminda tabatin un pueblo di Amerindio den e temporada di 800-1200 AD.

Esaki ta e promé akuerdo di koperashon di mas

ku bini den futuro, komo ku BONAI ta bai tuma un

papel dinámiko nobo den edukashon di herensia i

konsiensia di e herensia di Boneiru.



E noufragio di Tilisa del Mar (1)

E kosta pariba di Boneiru, entre Willemstoren i e toren di Spelonk, atraves di siglonan tabata esenario di hopi noufragio di barku. Especialmente riba e kosta for di Willemstoren pa entrada di e bahia di Lac mas tantu barku a dal kibra. Esaki tabata motibu tambe ku a traha un faro na e punta sùitost di Boneiru, konosí tambe komo Lacre Punt of Punta de la Ore. E barku Tilisa del Mar, un barku di e tipo “coaster”, a noufragá El a frusa i kaba na nada. Den un seri di dos artíkulo BONERIANO ta tira lus riba e suseso aki

Tilisa del Mar a pega riba kosta den besindario di Willemstoren pa masoménos mitar di kuater di e mardugá di djaluna 13 di yùni 1983. E barku tabata na kaminda pa Kòrsou, destinashon ku nunca e no a alkansá, debí ku el a pega riba kosta.

Tilisa del Mar tabata un barku trahá na Hulanda pa e kompania N.V. Bode Wes Sohps na aña 1959. Tempu di konstrukshon di e barku a instalá un motor Diesel Alpha di 960 forsa di kabai.

E doño original di Tilisa del Mar tabata CIA. South Pacific and Overseas Charters Inc., establese

na 1569 Hoaina Street. Honolulu, Hawaii. Esaki desde 5 di òktober 1978.

Na momentu ku el a pega riba kosta boneriano e barku aki tabata propiedat di Caribbean Navigation Ltd., ku ofisina na George Town, Gran Cayman, Cayman Islands, BWI. E barku mes tabata registrá na Roatan, Honduras. Tilisa del Mar, promé ku el a haña e nòmber aki, tabata yamá ‘Able Fox’.

Otro datonan tékniko di Tilisa del Mar ta ku largura di e barku aki tabata di 49.26 meter, hanchura 9.01 meter i elevashon 3.5 meter. E barku tabatin dos mast i e tabata

Suseso Inlubidabel©

di heru.

Vershon ofisial

Por haña e vershon eksakto di loke a pasa ku Tilisa del Mar den un akta ku mr. George Soliana, empleá e tempu ei na ofisina di notario Knuf, promé ku el a keda nombrá komo gezaghebber, a traha riba dia 4 di yùli 1983, despues ku el a papia ku kapitan di e barku aki, Donald Wayne Williams. E tempu ei ofisina di notario tabata situá den Kaya Charles E.B. Hellmund.

Segun Williams, pa mitar di tres di mardugá djaluna 13 di yùni, e barku Tilisa del Mar tabata aserkando Boneiru. Na bordo tabatin seis miembro di tripulashon. Den seno di e tripulantenan tabatin tambe un hende muhé. No tabatin karga na bordo i e barku tabata biniendo for di e isla St. Vincent i

bayendo Kòrsou.

Na e momentu ei e lusnan di tantu e torno di Spelonk komo Willemstoren tabata bon visibel, miéntras ku henter e parti sùit di Boneiru tabata bon kla definí riba radar di e barku.

Mas aleu e kapitan a bisa ku a disidí di trese un kambio den rumbo ku e barku tabata nabegando, esaki pa sigurá ku e ta pasa na un distansia di por lo ménos dos mia for e punta sùitost di Boneiru.

Williams a splika ku na momentu ku a kambia e rumbo di Tilisa del Mar, a kambia tambe e tripulante na warda. Konosiendo e situashon na e punta sùitost di Boneiru, Williams a duna e tripulante ku a subi warda, Kenneth Helms, instrukshon detayá tokante e rumbo, koriente di laman i distansia ku e mester mantené for di Willemstoren. Ademas a instruí Helms pa tuma kontakto ku e kapitan si, pa un òf otro motibu, e barku mester a pasa ménos ku 2 mia for di e isla.

Pa mitar di kuater di mardugá sinembargo Tilisa del Mar a resultá riba kosta na masoménos 100 meter di distansia nort di Willemstoren. Esaki miéntras ku e lus di Willemstoren tabata bon visibel. Kenneth Helms no por a duna un splikashon ta kon bini e barku Tilisa del Mar a resultá riba kosta. E no por a bisa dikon e no a mira lus di e torno.

Mr. George Soliana a traha e akta aki den presensia di Carla Lyvia Marie Eliazer-Van Velzen i Ancela Maria Clarinda-Albertus, ámbos di profeshon sekretaria, bibá na Boneiru.





E barku Tilisa del Mar riba kosta sùitost di Boneiru.

MONCHI & TONCHI

Tonchi, Wet & Wild party na Tiki & Co tabata mustra bon !!

Awèl sí. Wak nos den e di dos edishon di Wet & Wild 29 di òktòber den nos 'zwembroek' di halloween.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Armand 'Papi' Antoin
Davienuska Janga
Velli Gijsbertha
Nathaly Evertsz
Edson Pietersz

Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Gairo Frans

Aviso
avisobon@gmail.com

Pachi Rubi Balentien a selebrá 80 aña

KRALENDIJK -- Djasabra e konosido siudadano di Rincon, Rubert 'Pachi Rubi' Balentien, a yega e bunita edat di 80 aña. Riba su dia, el a risibí tambe rekonosementu di parti INDEBON den kuadro di selebrashon 40 aña. Anochi ya el a palabrá pa selebrá huntu ku famia su fecha natal, e no por ta-

bata presentá na e aktividat di INDEBON.

Pachi Rubi a hasi hopi kos, praktikando deporte tambe, loke ta tene yòn. Durante e anochi di fiesta, despues ku tabatin misa pa e okashon spesial, el a konta algu chistoso di loke a pasa ku e i algun amigu. Tabata Caito, Boy, Achi i algun mas.

Nan a bai serka †Tachi pa pidi'è yuda nan ku tabata hóben pa lanta un tim di futbòl. Pero Tachi a reashoná bisando: "Bendishon di Dios boso tin, pero ami no por para dilanti. Mi a haña hopi sla kaba."

Inosente nos a puntra: "Tachi, ta hunga bala tambe." Tachi a kuminsá hari i bisa nan: "No ta sla di wega di bala, pero ta sla komo dirigente di e klup ku nan a kibra ku yama Goede Hoop."

Despues nos no a entregá i a aserká Broertje Janga pa el a yuda nos. Asina a nase Real Rincon i despues a pasa tambe pa scouting. Pachi Rubi a bisa.

Pachi Rubi a yuda den

misa ku partimentu di hostia i semper kuida su kurpa. E ta bisa pa avisá mayor semper unda nan ta bai i kiko nan ta hasi. Biba bon, bo ta biba largu.

Di parti di SV Real Rincon, Carlos Pourier a hasi entrega di makutu di fruta.



Rekòr plantamentu pal'i mangel



Djabièrnè Magrove Maniacs huntu ku boluntarionan, a kibra rekòr plantando 1,300 pal'i mangel, meskos tambe e kantidat di 75 hende ku a djòin pa yuda. Na e kosta sùit e boluntarionan a planta pal'i mangel yòn pegá ku e liña di kosta. E pal'i mangelnan a krese den kultivo na Lac i ta entre kuater pa seis luna bieu.

Interkambio di mucha pa grandi

KRALENDIJK — Djabièrnè, den e luna di sèptèmber akí, ku ta luna di konsientisashon di e malesa di alzheimer, Kas di Kuido a hasi un rekorido den tuk-tuk pa hasi Kolegio Kristu Bon Wardadó un bishita.

A yega i haña e muchanan asina bunita pará ta spera e grandinan di Kas

di Kuido. E meta prinsipal ta un interkambio di mucha pa grandi.

A hasi uso di palabranan kòrtiku entre otro balorá mi, stimá mi, no lubidá mi i protehá mi, pa asina e chikitinnan por ripití huntu ku e grandinan e palabranan akí.

Banda di esei, e chikitinnan tambe a prepará kantika

pa kanta huntu ku e grandinan. Kas di Kuido no a bai man bashí serka e chikitinnan. E grandinan a repartí kuki den forma di flor pa nan. Flor ta e símbolo di alzheimer ‘no lubidá mi’. Realmente un bon tempu.

Un danki na gerente di TUK-TUK, semper dispuesto pa hasi rekoridonan

ku e grandinan asina bati na nan porta.

A entregá un gesto chikit komo apresio di parti di e grandinan na kada un di e konduktornan.

Tambe Kas di Kuido ta gradisí Kolegio Krsitu Bon Wardadó ku a

habri nan porta pa risibí e grandinan ku hopi amor.



Kor Kanta ku mi den Señor

Kor Kanta ku mi den Señor di Kòrsou a kanta na misa di Playa i Rincon durante nan bishita na Boneiru fin di siman. Riba potrèt e kor na Misa San Bernardo djabra anochi.



Limpieza na Pal'i Kalbas

Fin di siman junior rangers di STINAPA a hasi trabou boluntario, limpiando e área di Pal'i Kalbas na Sorobon. Ayena komo 30 saku ku sushi ku tabata pegá den e palunan di mangel. Te ainda tin sushi pegá na e raisnan, pero awor ta mas limpi ku promé, esei ta mishon di junior rangers, hasiendo e diferensia. Danki na tur boluntario i huésped spesial Miss Turismo.



NOS SALÚ

Kanser komo malesa króniko no ta fásil

Den futuro sierto tipo di kanser lo ta un malesa króniko. Asina media ta informá regularmente. Riba algun site farmakéutiko, por lesa ku aworó kanser ta un malesa pa kua de bes en kuando bo mester haña remedi, pa despues sigui normal ku bo bida i trabou. Riba su mes un bunita desaroyo, prinsipalmente pasobra den sierto kaso ainda lo dura algun tempu promé ku lo bini un mihó método di tratamentu pa kura di kanser.

Sí kanser komo malesa krónika ta keda deskribí komo positivo, un otro dimenshon tin di aber sí realmente bo tin di aber ku un situashon asina. Kiko esaki ta nifiká, kon e ta ora ei síkikamente, komunitario i prinsipalmente korporal. Sigui normalmente ku bida i trabou ta kita e problemanan ku tei.

Speransa i desesperashon

“Na novèmber 2020 mi mester a bai den karentena debí na kontakto ku un persona di kas positivo di Corona. Lástimamente despues di algun dia, mi a haña kentura haltu ku pronto a referí na Corona. Sí, despues di 12 dia e situashon empeorá, despues di e di sinku tèst negativo di Corona i redukshon di peso, a hasi un investigashon mas aleu. Hopi lihé a parse ku tin menshon di un forma straño di leukemia. Tur senario entre speransa i desesperashon, a pasa den mi kabes. Finalmente sí e trankilidat despues ku e dòkter a laga hasi mas tèst, pasobra en prinsipio tin dos tipo króniko. Importante ta ku realmente bo no sa sí bo mester ta kontentu òf desepshoná, pasobra pues por lo tantu nada ta sosodé.”

Seguidamente hopi lihé a pone un tratamentu dirigí. Motibunan mas prinsipal pa esaki ta e oumento di keho di kansansio, problema di konsentrashon i otro desafio físiko. A sigui un kura fuerte kòrtiku, kaminda bo tin ku bai poliklínika pa un remedi. Despues di simannan di grawatamentu, sin por drumi i kansansio ekstremo, poko poko bo ta kuminsá rekuperá, inclusive resultado di sanger, pero kompletamente normal e no ta bira.

Ku esfuerso di diferente profeshonal di kuido, entre otro un sikólogo i un fisioterapista i hopi miembro di famia i amigu, a logra pa mi a haña mi mes bèk na trabou.

Na e último akí te ainda mi a haña un konseho bon intenshoná pa na promé lugá tòg

kuminsá pensa na mi mes, loke tabata un tarea no konosí. Na inisio di 2021 finalmente ta kuminsá un trayekto di re-integrashon, pero awor ta resultá, a tuma hopi luna. Entre tantu e ta bayendo, pero ainda no riba e lugá di destinashon. E pregunta ta, sí lo alkansá esaki un tempu, pasobra bo kurpa no tur biá ta koperá. Intranquilidat, kansansio, problema di konsentrashon, frialdat, e no ta yuda den e sentido ei.

Reto grandi

Entre tantu tur fase di e proseso intensivo ta tras di lomba ku komo konklushon, dos tipo di kanser króniko, esaki bo mester biba kuné. Loke esaki ta nifiká ku no tur biá direktamente ta kla, esaki bo ta eksperensiá te na momentu ku bo tin'é, loke ta kosta energia. E 200 porshento ku mi por a duna, no tei mas, asina simpel e ta.

Mas aleu e efekto sikológiko i korporal di kanser komo malesa króniko ta pidi sosiegu. Ken ta duna garantia ku un si ámbos ta bai transformá, sin ku bo mester determiná miedu di bo bida.

Bèk na trabou

Pa pasa over di e periodo di ménos defensa komo konsekuensia di tratamentu, ainda tin mester di antibiótika i otro medionan anti viral. E efektonan riba e sistema di órgano ta konosí. Pa por prueba ku e kanser a bira króniko, un kontròl regular ta nesesario. Kada tantu luna atrobe tenshon, kiko ta e resultadonan di laboratorio. I por sigui traha normal ku kanser króniko. Pero e pregunta ta sí otro organisashonnan tambe ta mira e UWV.

Dentro di un aña UWV a aserká mi, pasobra mi mester sòru pa bai bèk na mi posishon bieu na mi trabou. E di dos pista di inkapasidat laboral pues ta na bista. E ròl di e dunadó di trabou aki den ta inkreiblemente importante pa eksperensiá unda e tempu i espasio ta keda presis despues di regreso i ki posishon ku por ta. No solamente pa loke ta trata trabou, pero tambe eksperensia komunitario, mi ta eksperensiá e efektonan di kanser komo malesa króniko.

Peso emoshonal

E ta sinembargo inevitabel ku hendenan tambe den mi besindario tin e impakto di kan-



ser króniko, asta sí e ta solamente bisto dor di konsekuensianan korporal. E ta produsí kombersashonnan ku un peso variá i emoshonal. I tòg ketu bai e ta bira ménos tema di kombersashon i sí e mester dura mas largu ku sperá, no tur biá ta robes.

Kanser króniko ta pidi mas aleu hopi energia i pues i otro manera di biba, den kua alimento i deporte èkstra i kisas haña atenshon. E balansa aki ta hopi sentimental, hasi deporte hopi ta sofokante, di ménos ta kostá bo masa di spir, kome muchu nunca ta ideal, pero kome balansá tampoko ménos.

Guia dor di profeshonalnan ta un mester i pa esei mi ta traha tempu tambe. Esei por durante e periodonan di re-integrashon, pero kuantu un dunadó di trabou ta duna espasio èkstra ainda despues. Kiko esei ta nifiká pa bo esfuerso, presensia i disponibilitat. Aki tampoko e seguro di kuido ku ta dispuesto pa sigui guia mas aleu, kanser króniko ta para realmente den nan pensamentu despues di un kantidat limitá di seshon.

Finalmente, den tempu di Corona tur hende tabata vulnerabel. E rísiko pa hendenan ku malesa króniko ta mas grandi, sigur despues di bakuna dor di kimoterapia, tambe komo tratamentu, no ta musta di ta funshoná. Trayektonan di revalidashon ta nesesario, pa na e momentu akí no fásil pa realisá. E pregunta ta, kiko pa hasi sí Corona ta bai bira un grip normal den futuro. En bista di esaki, ami semper lo keda un pashènt vulnerabel.

Rekuperá completo

Tin kanser komo malesa króniko ta algu ku bo mester siña biba kuné. Konsientemente mi ta bisa siña, pasobra e no ta algu ku bo tin algu di bo mes den dje.

Komo ku riba asina tantu diferente portada tin mester di atenshon, tin biá ta fèrfelu pa mantené bista i prinsipalmente pa no pèrdè bo mes. Famia, amigu, organisashonnan, empresanan, tur mester move huntu sí den futuro ketu bai nos keda di tin aber ku esaki.

Dikon ta asina fásil pa nos pèrdè e pas?

Carlos Padilla Esteban

Pas ta mashá frágil i nos ta pèrd'è ku fasilidat. Dios por duna nos esaki komo don, únikamente nos mester pidi. Un bunita reflekshon di pader Carlos Padilla

Pas ta frágil, demasiado frágil. Ta masha fásil pèrd'è. Mi por pèrd'è ku fasilidat.

Basta ku un kontratempu, un algu imprevisto, p'asina ku kalmu ta disparsé di mi interior. Un frase mal intenshoná. Un palabra bisá den un gritu. Un agreshon fisiko òf verbal. Un despresio, un menospriesio.

Un ekspektativa no kumpli. Un soño ku ta rementá sin a bira realidat. Un desilushon, un malkomprendementu.

Un palabra mal skuchá òf mal komprendé. Un despresio. Un inkonveniente ku kua mi no a konta. Un kambio di klima ku a laga mi pèrdè mi previshonnan i mi plannan.

Kasi kualkier kos ta kita mi pas. Mi ta bira intrankil, mi ta nervioso, mi ta spanta, mi ta yena ku **ansiedat**. I di einan ta únikamente un stap na rabia. E pas no ta dura hopi den mi alma.

Manera mi lanta mi ta kuminsá kana mi ta koré e rísi-ko di pèrd'è. Talbes denter di mi tin e lava di un volkan dispuesto na sali na superfisie. Unikamente algu mester sosodé, algu chikí, pa e rementá.

Mi rabia ta manera un riu di kandela, manera un ola ku ta lastra tur kos sin ku e por evitá esaki.

Ora e alma ta konfuso

Mi ke ta pasifiko pa por pasifiká esnan violento. Tin be warda silencio pa no heridá ku palabranan ora ku talbes nan a heridá mi ántes. Mantené mi mes kalmu ora tur kos rondó di mi ta menasá di kai fo'i otro.

E no ta siña fásil konserva e ekilibrio ku mi ta mira den e otro i mi ta deseá p'ami.

Miedu pa frakaso i pa kosnan ku no ta manera ami ke. E frustrashon ku mi ta sufri ora e realidat no ta loke ami a buska. E desepshon ku ta urgi ora mi mira mi soñonan kibrá. E doló ku ta provoká e rechazo ku otronan ta sinti pa ku mi.

Tur kos, kasi tur kos, ta lanta sentimentunan profun-

do den mi alma. Mi ta sinti ku algu ta kima i mi no ta logra paga e vlamnan. Un kandela di rabia ku ke lastra bai ku tur kos.

Kon mi por laga paga e kandela, pa kaba ku e violencia aki ku mi ta mira surgi denter di e alma? Kon mi ta logra na transformá rabia den pas i asina tur esnan ku ta ront di ami ta trankil?

Nunka mi a kere den rabia santu. Den e violencia aki ku ta surgi pa purba na kaba ku e malu i sembra e bon. **Mi no ta kere den e bon ku ta ser imponé pa forsa.**

Papa Francisco a bisa den *Amoris Laetitia*: «Si nos mester lucha kontra un malu, laga nos hasié, pero semper laga nos bisa «no» na e violencia interior».

Mi tabata ke vense e violencia ku ta surgi den mi alma. E rabia contenida ku mi no sa na stòp. Mi tabata ke pa den mi semper tin reakshonnan pasifiko, yen di pa i speransa. Ta duel mi di mira violencia den gestonan i palabranan den esnan ront di mi. Mi ta puntra mi mes ta di unda tantu violencia ta bini.

Mi a yega na pensa ku tin heridanan ku nan ta lembe intentando na kalma e angustia. Pero nan tei einan, habrí, sin a kura.

I ta basta un palabra, un gesto ku ta laga mi rebibá loke ya mi a sufri promé p'asina ku e mesun rabia ku mi a sinti un dia ta ripití.

Den e momentonan aki mi ta pèrdè kòntrol riba mi mes i ta Sali palabranan i gestonan ku ami no por kontené ni kita di mi alma pasobra nan tei einan, grabá ku kandela paden di mi. Kon mi ta laga paga e kandela inkontenibel?

Tin be mi ta mira akshonnan asina desproporshonal dilanti akshonnan chikí ku mi ta keda den silencio, ketu, muda.

E diferencia ta papia mi di **algu ku ta den desórden paden di mi.** Un herida habri ku ta hasi doló manera e kandela kimando mi alma. Mi ta sinti den mi paden un angustia ku mi no a logra vense.

Pas manera don

Pas ta un don di Dios den mi bida, mi ta suplik'è. Tin relashonnan di pas ku esnan ront di mi no ta nada ménos ku un berdadero mi-

lager.

Pasobra e kueru di e alma ta sensibel i kualkier kos por hasi mi doló, kualkier interpretashon ku ami ta hasi di loke ta sosodé ku mi.

Den mo paden mi ta sinti un deseo di brasa i ser brasá. Pero hopi be na lugá di abrasonan ta brota insulto i gestonan di despresio.

Kon lo mi sana mi alma enfermo? Kon lo mi hasi ku tur loke ta den mi paden ta na pas i kalmu?

Pader José Kentenich a bisa: «Dor di ta lòs di mi mes i totalmente entregá na Dios mi ta riba tur tòp: – Riba tur tòp tin trankilidat. E ora ei un hende semper ta interiormente liber. Lo por kita e honor, lo por kita e patrimonio di mi: ¡Mi Dios i mi tur kos! Mi tin un posishon firme i e ora ei mi tin mundu bou di mi pianan».

Lo mi gusta na biba ku e

libertat interior akí. Lo mi gusta di tin e pas aki ku ningun hende por kita di mi.

E kapasidat pa ta kalmu, riba e laman bruto akí, ku ko-orientenan profundo ku ta hasi mi intrankil.

E pas ku ta yega ora mi alkansá e tòp i mira mundu na mi pianan i sinti ku nada ni ningun hende por kita e pas ku mi tin aworakí. Ni kalumnia, ni difamashon, ni rechazo.

Ku nada por kita e pas di mi si mi ta kombensí pa re- koré e pasonan ku Dios a marka p'ami. **E don akí di Dios di biba lòs ta loke mi ta deseá.**

Nada ta hasi mi demasiado intrankil, nada ta stroba mi demasiado. Algu den mi ta bisa mi ku mi por deskan- sá den Dios pasobra E ta mi Tata, pasobra E ta stima mi riba tur kos.

Grupo Hòmbènan di Fortalesa den Kristu ku otro enkuentro

“Prinsipio di sabiduria ta: karga rèspèt pa Señor. Tur esnan ku hasi esei tin sano huisio.”

Salmo 111

Grupo Hòmbènan di Fortalesa den Kristu ku gran alegria i plaser ta invitá nos hende hòmbènan na nos enkuentro di luna.

Detayenan:

Fecha: djaluna 3 òktober 2022

Ora: 7:30 p.m. (mitar di 8 anochi)

Lugá: misa Maria Auxiliadora (Sta. Maria)

Amigu, sano huisio ta prevalessé serka bo tambe???

Komishon organisadó

PAROKIA KRISTU BON WARDADÓ, KORAALSPECHT TA INVITÁ BO NA

NOBENA

San Miguel

48 aña Parokia

28 aña Nobena

Orario den siman	Orario djasabra	Orario djadumingu
Nobena	Nobena	Nobena
17:30	17:00	9:30
S.S. Misa	S.S. Misa	S.S. Misa
18:30	18:00	10:30

I si nos sa ku E ta skucha tur nos petishonnanan nos sa tambe ku nos ta haña loke nos a pidi.

1 Huan 5:15

DIANAN DI NOBENA
20 PA 28 SÈPTÈMBER 22

FIESTA
29 DI SÈPTÈMBER 22

Tur Bo obranan lo alabáBo, O SEÑOR, i Bo santunan lo bendishonáBo.
Salmo 145:10

Komishon
Uni Den kristu Almere
kier invitabu na nos SELEBRASHON
di SANTA EUKARISTIA.
Fecha : 25-09-2022.
Ora: 13:00 pm.

Presidí pa: Pastor Wijbe Fransen
Animashon : Oonagh Evertsz and Friends
Lugá :kerkecentrum Goede Rede Kerkgracht 60, 1354 AM. Almere.

Korda nos ta warda tur nos hende grandi nan.




ARUBA

Proximo minister plenipotenciario na Washington lo no ta di confia

ORANJESTAD -- Despues cu a bira conoci dialuna mainta cu gobi-erno lo a dicidi di nombra abogado Ronny Wix como Minister Plenipotenciario na Washington, cantidad di reaccion a cuminsa drenta relaciona cu e decision aki di gabinete Wever-Croes II.

Entre otro a relaciona e asignacion aki cu un probabel relacion c'un ruman di Minister Glenbert Croes pero tambe a drenta otro informacion interesante, pa loke ta envolvimento di e proximo Minister Plenipotenciario aki, den e caso di benta di ex Hilton Hotel cu e grupo di RIU na aña 2016, pues seis aña pasa.

Un caso caminda Aruba Growth Fund cu tambe tabata interesa den e hotel aki, a hasta acusa abogado Wix di su envolvimento incorrecto den henter e proceso di benta di e hotel aki, cual a perhudica AGF su intereses den henter e proceso.

E grupo a entrega keho contra Wix na e Ordo di Abogado di Aruba y esaki a conduci na un investigacion di e caso caminda finalmente a keda confirma cu Wix su forma di procede den henter e proceso di benta di Hilton Hotel, tabata carece di tur etica c'un abogado mester tin na tur momento cu e ta sirbi in-

teres di su clientenan.

Loke por a conclui di e asunto aki ta cu abogado Wix a sirbi interes di dos cliente di dje den e caso menciona pero caminda RIU finalmente a logra na realisa e compra pero ora cu AGF a haya indicacion di e forma di procede di e abogado, a dicidi di entrega keho contra di Wix.

Segun Ordo di Abogado e tempo ey, tabatin suficiente prueba cu loke Wix a haci, ta un daño serio na e honor di abogacia aki na Aruba y caminda a ser muestra cu e abogado mes a admiti di a actua incorrecto den henter e proceso aki, loke a ocasiona algun contratiempo financiero pa AGF.

Den documentonan presenta e tempo ey di e caso a ser muestra cu abogado Wix lo a suministra informacion confidencial di su ex cliente AGF na su otro cliente den e asunto aki, cu ta RIU cu tambe tabata interesa den compra di e hotel menciona. Na final di cuenta e Hunta di Supervision di Ordo di Abogadonan, a haya cu a keda proba cu Wix a actua den forma incorrecto y a viola reglanan di abogacia y cu e Hunta no ta duda den declaracion suministra pa sr Kan, kende a representa AGF den e caso aki.

Wix a admiti e tempo ey cu for di Juli 2016 e tabata envolvi pa trata di haya un solucion den e discusion cu a surgi den nomber di su cliente RIU relaciona cu benta di Hilton Hotel.

Durante di tratamento di e caso e tempo ey, Ordo di Abogado a tuma Wix masha na malo pa e hecho cu ningun momento el a tuma

contacto cu su ex cliente AGF pa evita cu e problema a bira algo mas grandi.

Hunta di Supervision tabata di opinion cu abogado Wix a actua formalmente contra reglanan di honor di abogacia y a impone un advertencia serio pa e abogado mencionando e tempo ey cu si un situacion asina ripiti su mes, Wix lo por

core riesgo di wordo exclui pa sigui traha como abogado.

Mirando e embergadura di e posicion cu Wix lo bay ocupa, ta keda e pregunta clave si e abogado aki lo por wordo confia pa actua den e forma corecto den e posicion na Washington.

Parlamentario Ricky Hoek:

Un weekend activo tras di lomba pa Gabinete Wever-Croes II

ORANJESTAD -- Conferencia y Expo SaludM Respectivamente riba diabierna y diasabra ultimo a tuma luga e conferencia y expo 'Promove Salud y Bienestar 2022: hunto contra malesanan cronico'. A base di e plan di NCD (malesanan cronico) di Ministerio di Salud Publico y Turismo, ta e responsabilidad di Departamento di Salud Publico den colaboracion cu diferente otro departamento di salud, pa informa y educa nos comunidad. Di e forma aki brindando e informacion necesario y hermentnan pa prepara pa un cambio di comportacion positivo. Esaki ta strategianan pa preveni malesanan cronico manera malesanan cardiovascular, diabetes,

cancer etc. Ta importante pa comunidad crea consciencia cu hunto nos tur mester traha na un bida liber di malesanan cronico.

Deporte inter-insular ABC: Diasabra anochi tabata tin un ceremonia na Mariott Hotel na Boneiro, caminda INDEBON (Instituto di Deporte Boneriano, por compara cu IBISA di Aruba) a cumpli 40 aña di existencia. Den cuadro di esaki a tene un celebracion na ocasion di e 40 aniversario, pero principalmente unda un invitacion special a bay pa e ministernan di deporte di tanto Corsou, Sint Maarten y Aruba y tambe pa un representante di e departamento di deporte di cada isla.

Na e ocasion aki tambe tabata presente e diputado di deporte di Boneiro. E tres ministernan a firma un acuerdo pa re-inicia cu e weganan inter-insular entre scolnan di e islanan. E weganan lo inicia na maart 2023 y pa dividi e gastonan, Boneiro lo organisa 2, Corsou 2 y Aruba 2.

Pa Aruba esakinan lo ta deporte di futbol y volleyball. Futbol lo tuma lugar riba cancha di Johan Cruyff na Jaburibari. Den cuadro di esaki, e fundacion di Johan Cruyff lo cubri un parti di e gastonan tambe. Feria Social y 'Veilige Bario's': Diadomingo atardi a tuma

luga e actividad di Feria Social Informativo, caminda pueblo por a ricibi informacion tocante diferente topiconan en cuanto salud mental, adiccion y mas. E parti mas importante di e atardi aki tabata e momento ora CEDE Aruba y Gobierno di Aruba a firma den cuadro di e proyecto "Veilige Bario's".

E proyecto 'Veilige Bario's' cu a keda aproba den e presupuesto di 2022, ta enfoca na hisa e calidad di bida di tanto e hoben, e adulto mayor y tur habitante di e bario. Den un colaboracion mutuo tanto Gobierno di Aruba, CEDE Aruba y fondonan internacional a pone un suma di 2 mion florin disponibel pa realisa e proyecto. 'Veilige Bario's' ta anca riba 3 pilar tanto social como di husticia cu ta importante pa e realizacion di e proyecto.

E 3 pilarnan ta: 1. Crea conscientisacion, duna bos y participacion na tur cu ta forma parti di e proyecto. 2. Mehora e infraestructura den bario, asina p.e. lo bay bin 198 punto di luz den bari-onan y 3. Stimula y yuda e centronan di bario cu fondo caminda nan por brinda oportunidadnan di desaro-yo na chikito y grandi pa medio di entre otro un after school program, deporte, arte y musica.

Candela den container di ASAP

ORANJESTAD-- Dialuna den careda di 11'or di mainta alarma a wordo bati pa un container cu basta material di e compania ASAP a pega candela. E container tabata na e warehouse di e compania ASAP.

Den e container tabata tin basta material, manera wayanan di coriente, cabelnan etc. Varios unidad di brandweer a dirigi nan mes na e sitio y a cuminsa combati e candela, hopi lihe nan a logra domina e candela y

a paga esaki. Polis tambe a presenta na e sitio. E trahadornan di ASAP a bay para leu dunando brandweer espacio pa combati e candela. E huma tabata tin un holor

basta fuerte pa motibo cu tin hopi cabel y diferente material cu a pega candela.

For di leu por a mira huma blanco bay halto. E warehouse di ASAP ta keda na Mahuma, un poco pariba di e cura di Airport.

E compania ASAP ta haci varios trabou na Airport di Aruba



STATIA/SABA/ST. MAARTEN

Promé minister a partisipá na reunion Nashonnan Uní



Promé minister Silveria Jacobs a representá St. Maarten na reunion di Nashonnan Uní na New York. Komo partner di SDG 17 pa yega na e metanan, ta eksigí pa sigurá e derecho di eksistensia awor i pa futuro, un futuro ku ke pa e muchanan i futuro generashon. Durante e reunion e promé minister a topa ku promé minister- nan di Aruba, Kòrsou i Hulanda i tambe otro dignatarionan.

STATIA/SABA/ST. MAARTEN

Studiantenan di HAVO a topa ku minister di finansia


Angelle Presentacion i Raynella Romney, studiantenan di HAVO 5 MPC, a topa ku minister di finansia Ardwell Irion, pa diskutí i haña informashon pa nan proyekto 'Buying power on St.Maarten'. A diskutí e definishon pa kumpra poder, inflashon, shòk eksterno ku por influensia, huntu ku otro tópikonan.



'Dia mundial di turismo' importante

SABA – Na nòmber di United People Movement (UPM), mi ta djòin restu di mundu pa felisitá tur hende ku ta traha den turismo riba e dia spesial aki 'Dia Mundial di Turismo',” Dave Levenstone di UPM ta skirbi.

Levenstone ta skirbi, esaki ta un dia spesial pa tur persona ku ta generá nan entrada diariamente for di turismo. Ta lamentabel ku na Saba nos tin un gobièrnu ku realmente no ta mira e



benefisio di turismo i a bin ta traha kontra esnan ku ta

kontribuí pa adelanto di turismo riba isla. Drenta diskushon ku taksista i operadónan di restorant i bo tin un idea ku ta sosodiendo realmente.

Levenstone: “Bo tin un gobièrnu ku ta mira ku asuntunan relatá ku turismo ku nan ta dependiente di Den Haag pa disidí pa nan. Apesar di esei, mi ta pidi tur persona ku ta traha i inverti den e sektor di turismo, pa no entregá pasobra e dianan mihó ta biniendo.”

DEPORTE

Kaminata konsientisashon di alzheimer

KRALENDIJK – Intensity i Eagle Eye Media ta ta organisá dia 30 sèptèmber un kaminata titulá ‘Alzheimer Awareness Walk’, en konekshon ku luna mundial di alzheimer i pa rekoudá fondo pa Fundashon Alzheimer Boneiru.

E kaminata di 5 kilòmetr i ta kuminsá i terminá na Stadion di Playa. Pa partisipá ta fásil, kumpra bo karchi na rason di 10 dòler, bini ku un flanèl blanku i na salida bo risibí un steker di Fundashon Alzheimer Boneiru pa pega riba e flanèl.

Tambe bo ta risibí un beker di Fundashon Alzheimer Boneiru pa bo yena’ na e pòstnan durante di e kaminata. E yenamentu di beker ta na enkargo di pa e damitanan di Miss Teen Bonaire di organisashon BIATA.

Polis, Krus Kòrá i e damanan di Miss Bonaire Organisation, tambe ta presente na e kaminata. Na final di e kaminata ta risibí fruta. Ban partisipá na e kaminata pa un bon kousa. Tur fondo rekoudá ta keda entregá na Fundashon Alzheimer Bo-

neiru. Karchi ta optenibel na Brandaris Cafe, Junior Castillo, presidente di Intensity na 770-3498, Evert Piar presidente di Fundashon Alzheimer Boneiru na 701-7335 i Jefferson Rosalia direktor di Eagle Eye Media na 786-4627.

“Baseball 5” otro deporte nobo pa Boneiru

KRALENDIJK--Djârasen 2022, un grupo di persona último 21 di sèptèmber por a partisipá den e “Baseball 5 instructor training”.

“Baseball 5” ta un ver-

shon kompakto i kòrtiku di e beisbòl tradishonal.

Den “baseball 5” bo por forma dos ekipo di 5 persona i lo dura 5 inen.

Pa lokual ta trata wante ku bate, esakinan lo no forma parti di “Baseball 5 Game”.

Bo ta bati i fangu e bala gewon kubo man.

E fèlt ta simplemente pintá ku kreit òf riba piòn, pues tur loke bo mester ta un bala.

Un wega sùmamente great pa stimulá i motivá tantu hóben komo hende grandi pa keda den moveshon pero tambe sùmamente fun.

E wega aki ta un wega ku por implementá den tur vereniging, tur skol etc.

Boneiru mes tin 16 instruktur di BBS ku por sigui yuda i forma otro instruktornan.

E treinen aki a wòrdu duná dordi Michel Aussems di KNBSB.

Pa mas informashon tokante e wega aki por bishitá facebook page di “Nos ta bai kuminsá huntu”.

E instruktornan di “baseball 5” na Boneiru ta:

Yurell de Caster.
Juthmar Faneyte.
Roy Burleson.
Arys Ventura.
Elisabeth Josephia.
Sybren Rensenbrink.
Dyshemar de Palm.
Winston Gill.
Rolvin Hellburg.
Arelis Jops-Mercera.
Gianny Evertsz.
Eurlvin Trinidad.
Georgino “Pito” Saragoza.

Ghislaine Makaai.
Arvienna Vis.

Esakinan e lidernan deportivo ku a sigui e treinen pa “Baseball 5”.

SV La Fama kontentu ku donashon na Fundashon Alzheimer

KRALENDIJK--Sr. David Molina presidente di SV La Fama, den entrevista e siman aki a yama danki na tur e 7 ekiponan ku a yuda, pasobra dor di nan por a yega na e suma di MIL dòler komo donashon na Fundashon Alzheimer.

T’asina ku SV La Fama a bin riba e idea pa yuda un instansia ku un suma dor di hasi aktividat i tambe kolektá entre e timnan di futbòl veterano pa yega na un suma pa e fundashon.

Esaki a resultá bon pa por a logra sera MIL dòler ku a duna komo donashon na e fundashon.

Di parti di SV La Fama nan ta sumamente kontentu

di por a yuda ku e suma aki ku nan a logra, huntu ku nan granito ku nan tambe a logra durante un torneo di futbòl veterano.

Futbòl veterano ta mas ku un simplemente un tim o klup di futbòl.

Esakinan tambe ta parti di futbòl veterano, di kua por hasi mas pa instansianan ku ta yuda otronan den komunidad ku loke nan logra hopi biá di donashonnan.

Pa e motibu aki tin ku bisa ku un klup di futbòl veterano ta muchu mas ku simplemente un klup di futbòl veterano.

Nan ta vigilá unda tin nesidat òf unda por yuda,

pa fokùs riba esei i trata na yuda dor di hasi algu, sea fundraising o loke sea ku por generá sumanan, pa hasi donashonnan na instansianan ku por hasi bon uso di esaki den komunidad.

Den futuro nan lo sigui trata na yuda unda otro instansianan ku ta traha ku komunidad, pa nan skohe un instansia ku mas tin nesidat di esaki pa yuda otronan,

Sin duda e loke ku SV La Fama a hasi, sigur ta sirbi komo ehèmpel pa otronan tambe, ku tambe por hasi algu pa yuda otronan ku tin e meta yuda esnan den nesidat den nos komunidad. Bon trabou..

DEPORTE

Klínika beisbòl ku Andrelton Simmons un éksito

KRALENDIJK--E klínika di beisbòl di e pelotero di Liga grandi Andrelton Simmons pa nos futuronan tabata un gran éksito djaluna último den oranan di tardi na Jossy Boekhoudt Ballark na Tera

Kòrá.

T'asina ku djaluna tardi i tambe djamars atardi na Jossy Boekhoudt Ballpark na Tera Kòrá Gobièrnu di Boneiru, Indebon, huntu ku Bonaire Wolf-Pack Foundation, a oranisá klínika di

beisbòl pa muchanan entre 6 pa 15 aña ku Andrelton Simmons kompletamente gratis.

Andrelton Simmons ta un pelotero di Liga Grandi ku ta ku fakansi algun dia aki riba nos isla.

A probechá di e oportunidat aki pa organisá klínikanan di beisbòl pa nos muchanan, loke ku riba e promé dia djaluna atardi, sigur tabata un gran éksito.

Tur dos dia, tantu djaluna komo tambe djamars, e klínika tabata di 5'or atardi pa 7'or anochi na Jossy Boekhoudt Ballpark.

Riba e promé dia djaluna, un gran kantidat di mucha ku e deseo di siña hunga beisbòl na un nivel haltu, a asistí na e klínika di beisbòl aki.

Basta tabata tambe e mayornan, manera mester



ta tambe, ku a asistí ku nan yunan na e klínika.

Diputado di deporte sr. James Kroon manera sèmper ta e kaso tambe na tipo di okashonnan asina i ku no sa faya, tambe tabata presente pa apoyá e muchanan durante e klínika.

Éksito na e muchanan

ku a partisipá den e klínika djaluna i djamars último.

Un danki tambe na tur e “coach”nan di kas mes ku a yuda durante e klínika e dos dianan ku tabata djaluna i djamars último.

Riba potrètnan algun biesta di e klínika.



DEPORTE

Streanan Boneriano a mira lus na Aruba

KRALENDIJK -- Bou di direkshon i maneho di e sikólogo i futbolista Boneriano bibá na Aruba, Rolindo Dortalina, a pone su soño ku e tabatin pa basta tempu bira realidat. Dia 19 di sèptèmber a funda BonStar.

Un di e metanan primordial di e organisashon ta pa logra reuní Bonerianonan bibá na Aruba. BonStar su nifikashon ta Streanan di Boneiru, ku Dortalina a logra kombertí esaki den un tim veterano di futbòl, unda mayoria hungadó riba nan mes den nan tempu tabata leyenda i streanan di nos isla.

Mester bisa ku den un tempu hopi record Dortalina a sòru pa su organisashon BonStar tin un komishon, logo, diseño i unifòrm i kas di klup.

BonStar su komishon ta konsistí di sinku persona, pilánan boneriano kapas ku ta bai yuda Dortalina trèk e proyekto akí hib'é na un nivel respetabel riba tur tres



e islanan.

BonStar su ophe-tivonan ta, buska spònser ku propósito pa generá un ingreso pa nan por yega na materialnan i sigui eksistí, buska wega kontra otro ekiponan, organisá torneo i organisá aktividatnan sosial manera Dia di Himno i

Bandera i Dia di Tata.

E direktiva ta konsistí di presidente Rolindo Dortalina,

tesorero Rogelio Montero, sekretario Odilio Evertzs i komisarionan Ashley Frans i Rodney Emerenciana

Otro konsehero i miembro tin manera Benchibu Janga, Derell de Palm, Pitichi Domacassé, Calvin Trinidad, Joell Angel, Riley Mercelina, Angelo Wanga, Eroll Abrahams, Earon Meyer i Kennedy Hart.

Na luna di novèmber BonStar lo enfrentá La Fama di Boneiru den un enkuentro amistoso.

Pabien Dortalina ku e tremendo iniciativa akí, pasobra di bèrdat mester di lidernan asin'aki ku ta konstruí i uni nos hendenan mas i mas, en bes di desunión.

Riba foto por mira algun miembro di komishon i por mira e logo i unifòrm ku pronto ta bai bendishoná.



Wet & Wild Party na Tiki & Co

KRALENDIJK -- Tiki & Co a bini ku algu diferente, un Wet & Wild Party, komo ku tabata hasi basta kalor e dianan ku a pasa i asina un idea spontáneo pa a hasi un evento ku tin di aber ku awa. Tiki & Co a haña pèrmit serka doño di Divers Dinner pa a hasi uzo di nan tereno, riba e tereno tabatin DJ, bònzer yená ku awa i a haña 'beach donuts' serka Amstel Bright. E evento Wet & Wild a bira manera un parke di awa pa adulto. Tur hende a pasa bon. Nan a gusta e idea i pa e motibu akí a pensa pa hasié un bia mas. Ta algu diferente i normalmente riba tur djârason tin algun otro evento otro kaminda. No ta algu ku ta bai pasa tur ora, pero dia 29 di òktober lo bini ku e di dos edishon ku ta bai bira 'Wet & Wild Halloween Edition'. Hopi hende ta pendiente pa e di dos edishon.



Luna di BONEIRU

super
special

15.6" HP LAPTOP

\$495

hp OFFICIAL
STORE



EXPANDABLE DESK

\$319

OFFICE CHAIR

\$189



HP WIRELESS
PRINTER

HOT
price

\$79



City Shop

Smart shopping ► Better living

🏠 Kaya International #36

☎ +599 717.36.66

🌐 www.cityshopbonaire.com

✉ info@cityshopbonaire.com

📘 City Shop Bonaire

📞 +599 700.64.42